

Mjesečno obrade i do 4.000 predmeta

Cilj Općinskog suda je da zemljišnu knjigu u potpunosti prenesemo u elektronsku formu i postignemo mjesečnu ažurnost sa 1. februarom 2006. godine, kazao je Goran Salihović

U Sarajevu je na jučerašnjoj pres-konferenciji predstavljen napredak Općinskog suda u Sarajevu, koji ujedno ima i najveći zemljišnoknjižni ured u Bosni i Hercegovini, čija je nadležnost devet političkih i 120 katastarskih općina.

Skratili čekanje

Shodno tome, broj stanovnika u nadležnosti Općinskog suda u Sarajevu predstavlja 13 posto od ukupnog broja stanovnika u BiH. Općinski sud Sarajevo je u saradnji s Projektom za zemljišnu administraciju, koji od 2003. implementira

njemačka vladina organizacija GTZ (German Development Cooperation), a finansiraju ga švedska i austrijska vlada putem SIDA-e (Swedish International Development Agency) i ADA-e (Austrian Development Cooperation), uspio suzbiti korupciju u zemljišnoknjižnom uredu, skratiti vrijeme čekanja za obradu predmeta i riješiti zaostatke još iz 2000. godine. Dinamika rješavanja predmeta prije implementacije reformi zemljišnjih knjiga bila je u prosjeku 1.800 mjesečno. Od januara ove godine dinamika rješavanja je izme-



Goran Salihović
du 3.500 i 4.000 predmeta.

Sve na dugme

Predsjednik Općinskog suda Sarajevo Goran Salihović je predstavio ovogodišnju akciju uprave suda pri uspostavljanju nove or-

ganizacije zemljišnoknjižnog ureda.

- Cilj Općinskog suda u Sarajevu je da zemljišnu knjigu u potpunosti prenesemo u elektronsku formu i postignemo mjesečnu ažurnost s 1. februarom 2006. godine - istakao je Salihović.

Predstavljen je i prvi online pristup zemljišnoknjižnim podacima, odnosno zemljišnoknjižni softver "laris". Za građane BiH je otvorena i besplatna infolinija (0800 20104) i to svakim radnim danom od 14 do 16 sati.